



**Ileqqusumik ataatsimiinneq
Marlunngorneq 4. april 2023 kl 9.00**

Peqataasut:

Naja Nuka Kaspersen, Siulittaasoq
Julie Karlsen, siulittaasup tullia
Lars Petersen
Knud Kleemann, Kommunalbestyrelsemi ilaasortaq

Aqutsisoq: Naja Nuka Kaspersen

Peqataasinnaangitsut: Hartmann Heilmann

Immikkut aggersakkat:

Ingerlannera: Kommunalbestyrelsep ataatsimiittarfiani

Aqutsisoq: Naja Nuka Kaspersen

Imaqarniliortoq: Ane Marie Jørgensen

Ullormut oqaluuserisassat:

1. Upernavimmi eqqagassat peqqinnarnerusumik, avatangiisinullu mingutsitsinngitsumik suliarineqartalernissaanik siunnersuut – ESANI-mut ilaasortanngornissamut kaammattuut 2
2. Naalakkersuisoqarfimmit Upernavik 250-liineranut atatillugu tunissut: Pinnguartarfik 4
3. Meeqqat tamarmik atorsinnaasaat haalimi qallortarfii 5
4. Qinnngussuit pingajuata nuunneqarnissaa 5
5. ICC-imi aallartitat naapeqatigiissinneqarnissaat 5
6. Atsiorfissaq: 6

Aalajangiineq:

[Oqaluuserisassat akuersissutigineqarneri allallu eqqartugassat naliginnaasut.]

Allatsimit ilisimatitsissutit:

- Killiffik 2023, suliakkiussat sumut killinnersut ilisimatitsissutigineqarput.
- Aktivitetsplan 2023 nutarternera.

1. Upernavimmi eqqagassat peqqinnarnerusumik, avatangiisinullu mingutsitsinngitsumik suliarineqartalernissaanik siunnersuut – ESANI-mut ilaasortanngornissamut kaammattuut

Ulloq: 09. februar 2023

Matumuuna AVANNAATA KOMMUNIANI NAJUKKAMI ATAATSIMIITITALIANUT ILEQQOREQQUSAQ, 27.09.2021-imeersumi, Najukkami Ataatsimtititaliat § 6. *”Najukkami Ataatsimiititaliat kommunalbestyresimut, aningaasaqarnermut ataatsimiititaliamut imaluunniit ataatsimiititalianut ataavartunut siunnersuisartuusinnaaput.”* innersuussutigalugu siunnersuut una Najukkami Ataatsimiititaliaq Upernavik-mi oqaluuserisassatut ingerlatippara. Kommunalbestyrelse-mut erngertumik oqaluuserisassatut ingerlateqqitassatut.

Naluneqanngitsutut, inuit attaveqatigiittarfiisingut minnerunngitsumillu tusagassiuutitigut Uperna-viup eqqaavissua ukiorpaalunngortuni pitsaanngilluinnartumik, avatangiisinullu mingutsitsilluinnar-tumik oqariartuutigineqartuarpog. Eqqagassanik suliarinnittarneq, nassuiaateqarfiginaguluunniit ullutsinni nuna tamakkerlugu piumasaqaatinik naammassinninngilluinnartoq kikkunnit tamanit ilisimaarineqarpoq.

Minnerunngitsumillu tusagassiuutitigut ippassaq, Upernavimmi innuttaasut ilaata Jan Kleinschmidt, KANUNUPE-llu Siulittaasuata Karl Petersen. Minnerunngitsumillu Nunalerinermut, Imminut Pilersornermut, Nukissiutinut Avatangiisinullu Naalakkersuisup Kalistat Lund-ip oqariartuutaannut **ersarilluinnartunut** una tapersiutitut siunnersuutigineqarpoq. Pisariaqalermat ajornartorsiutaasup annertoqisup qaangerniarnerani, **ajornartorsiutip qiteqarfiiniit**, susasaqartunit tamanit akuuffigineqarnissaa.

Taamaattumik piffissanngorpoq, Avannaata Kommuniat *”tukernersuinnarani”* nuna tamakkerlugu eqqagassanik suliarinnittarnermut piumasaqaatinik, kinguarsaassuteqaqqaanngikkaluarluni naammassinninniartariaqalernera. Nuna tamakkerlugu eqqagassalerinermik, eqqagassallu passunneqartarnissaannik PITSALLUINNARTUMIK siunertaqartumut ESANI A/S (*”ESANI A/S tassaavoq Nuna tamakkerlugu Eqqagassalerinermik Ingerlatseqatigiiffik nutaaq. Taanna februaa-rip aallaqqaataani 2019-imi pilersinneqarpoq, tassaniippullu pisorta q siulersuisullu, kommunillu peqataatitaqartut ilaasortaapput.*

ESANI A/S’ip pingaarnertut siunertaraa Nunatsinni eqqagassanik sunilluunniit passussinermi aqqiissutissanik pilersitsinissaq. Tamatuma kingunerisaanik ikuallaavinnik marlunnik aammalu ooliakumik katersivinnik marluk-pingasunik sanatitsisoqassaaq.

Peqatigitillugu nunatsinni illoqarfinnut nunaqarfinnullu tamanut aallertarnermut aqqiissuussisoqassaaq, taamaasillutik eqqagassat ikuallajasut taakkunanngaanniit Sisimiunut Nuummullu nassiunneqartarniassammata. Eqqagassat allat Nunatsinni avataanulluunniit sumiiffinnut allanut passunneqarfissaannut nassiunneqartassapput.

Ikuallaaviit nutaat marluk Sisimiuni Nuummilu inissisimassapput, ooliakumillu katersiviit pilersaa-rut naapertorlugu Qaqortumi, Aasianni Maniitsumilu inissisimassallutik.

Ikuallaavinni nutaani eqqakkat 53 tonsit ulloq unnuarlugu ikuallanneqarsinnaassapput. Assersuuti-galugu Nuummi ikuallaavik ulloq unnuarlu eqqakkanik 40 tonsinik ikuallaasinnaavoq.

ESANI - qanoq isumaqarpa?

ESANI oqaatsitut ataatsimut immikkut kalaallisut isumaqanngilaq, kisianni naqinnerni naqinneq siulleg tassaavoq ESANIp sulineranik nassuiaatigineqartut.'

E – Eqqaavillerineq

S – Sulisoqarneq

A – Atoqqiineq

N – Nukissiuuteqarnermilli/Energi

I – Ingerlatseqatigiiffik)

Ilaasortanngoqqinnissaa, Avannaata Kommunian ni kommunalbestyrelse-p tamarmiusup pimoorullugu ERNGERTUMIK piviusunngortissangaa.

Nalunngilluinnarparput tamanna aningaasanik naleqartoq. Inissaminiinngilarli ajornartorsiummut annertuumut aaqqiissutissap, periarfissap pitsaalluinartup isiginngitsuusaarneqaannarnissaa.

Malungalugu: **Avannaata kommunia-ni innuttaaqataasut, akileraartartullu Upernavik-mi najugaqartut** amerlanerussuteqarluinnartut, una siunnersuut akerlilersorsinnaangimassuk. Pitsaalluinnartumik siunertaqarluni, illoqarfiup avataaniit tikikkuminartuunissaanut. Innuttaasullu **peqqinnarnerusumik** ulluinaqalernissaannut siunnertaqarmat.

Upernaviup nunaqarfittai uani ilanngullugit oqariartuuteqanngilanga. Tamanna Najukkami Ataatsimiititaliap ilaasortaaffimmi susasaqarfiisa avataaniimmata. Kissaatiginarporlu tamanit paaseqatigiiffiusumik, minnerunngitsumik tamanit akuersarneqarsinnaasumik Avannaata Kommuniani, inoqarfinni tamani eqqagassalerinikkut sullissinerup pitsaanerulersinneqarnissaa.

Inussiarnersumik inuulluaqqusillunga

Lars Petersen

Najukkami Ataatsimiititaliami ilaasortaq

Aalajangiineq:

Najukkami ataatsimiititaliamit taparserneqarluni siunnersuutitut allakkiaq Kommunalbestyrelsemut ingerlateqqinneqassaaq.

2. Naalackersuisoqarfimmit Upernavik 250-liineranut atatillugu tunissut: Pinnguarterfik

Naalackersuisoqarfimmit atorfilittap pinnguarterfiliassamut projekteriisup allangaa:

“Suli pinnguarterfik qanoq isikkoqassanersoq qanorlu angitigissanersoq taasinnaangilarput atuisussat/aalajangiisussat (Najukkami ataatsimiititaliaq) sumiiffisaanik kissaataat paaseqqaartinnagu. Paasinirirutsigu qanoq isikkoqassanersoq sunillu imaqassanersoq paasinarsissooq. Nalinginnaasumik pinnguarterfiit sananeqaraangamik sumiiffimmi ataatsimiikkajuttarpoq aggulunnagu.”

Allagaq innersuullugu, Najukkami Ataatsimiititaliap nunaminertaq arsaattarfiup eqqaani pinnguarterfiliortoqassasoq innersuussinikummat, allatsimit Teknikkeqarfimmut paasiniaasoqarpoq. Teknikkeqarfimmit akissut Najukkami Ataatsimiititaliamut ilisimatitsissutigineqarpoq:


“NA innersussimasaat maanna containerinik uninngasoqarpoq. Siunissaq qaninnerusoq eqqarsaatiginganni containerit qaqungu peerneqarnissaat ilisimaneqanngilaq.

Containerimik uninngasuutilik utaqqiinnarpoq Upernavik avannamut Erhvervsområde tungaanut aqquserneqarnissaanut.

Maanna aqqusineq suliarineqarpoq, kisia suli qulakkerneqarsinnaanngilaq qaqungu Erhvervsområde-p tungaanut ammaassisinaanersoq.

Isumaqarpunga Naalackersuisup pinnguarterfik tunniussimasa 1,5 mio. Nalilik containerit nuunneqarnissaata tungaanut utaqqisinneqarsinnaasut. Tunniunneqartut uninngatiinnarlugit annaassannginniassangatigit kaammattorusuppakka NA allamut inissaaanik innersuussuteqassasut.

Tamatta ilisimareerparput Upernavik nuntaanik sanaartorfigissallungu inissaaleqivoq. Pinnguarterfiit eqqarsaatigalugit Telebakken “rundkørse!” eqqarsaatigineqarsinnaava? Pinnguarterfiliornissaanut aporfissaqannginnerulluni, aallartinnissaanut soorlu qaninnerusoq?”



Aalajangiineq:

Siunissaq ungasinnerusoq eqqarsaatigalugu Najukkami ataatsimiititaliap nunaminertaq innersuussutigini kuusartik arsaattarfiup eqqaani pinnguarterfiliornissaq aaliangiusimavaat, tamanit arsaattarfiup eqqaa orningarneqarnerusarmat. Taamaattumillu Teknikkeqarfimmit nunaminertaq innersuussutigisaat akuerinagu, Arsaattarfiup eqqaaniittut suliffeqarfiit pigisaat illuarneqassasut innersuussuteqarput.

3. Meeqqat tamarmik atorsinnaasaat haalimi qallortarfiit

Haalimi meeqqat tamarmik atorsinnaasaat haalimi qallortarfiit aqitsut kikkulluunniit atorsinnaasaat (Meeqqueriviit allallu innuttaasut haalimiititsisartut), NA-imi 2021-imili pisiarineqarnikut, akia nikingaarsimassanngimmat kr. 20.000-00-imik nalilik.

Inussiarnersumik inuulluaqqusillunga

Julie Karlsen
NA-mi ilaasortaq

Aalajangiineq:

Najukkami ataatsimiititaliamit 2021-imi siunnersuut akuerineqareernikummat atortut pisiarineqarnissaat akuerineqarpoq.

4. Qingussuit pingajuata nuunneqarnissaa

Qingussuit Telebakken B-1604 Hans Rosing illuata eqqaani nasittarfimmum B-1554 akornanni

Qingussualiisoqarnissaa siunnersuutingerusullugu, nuunneqarnissaa imaluunniit nutaamik qinisoqarnissaa.

Inussiarnersumik inuulluaqqusillunga

Julie Karlsen
NA-mi ilaasortaq

Aalajangiineq:

Qingussuarmik nutaamik piniangikkaluarluni qingussuaq mittarfimmiittussaani kuungaluartoq Mittarfeqarfinniilli innersuunneqanngitsoq Telebakken-imi B-1604-ip aamma B-1554-ip akornanniittumut aqqusineq aniinganermiittumut nuunneqarnissaat innersuuppaat.

5. ICC-imi aallartitat naapeqatigiissinneqarnissaat

Najukkami ataatsimiititaliat Uummannaq, Upernavik aamma Qaanaaq, Ilulissani uge 29-imi ICC ataatsimeersuartitsinissaanut peqataasussanik innersuussinissaat Ilulissani ataatsimeersuarnissamut pilersaarusiortumit apeqqutigineqarpoq. Innersuussat kulturikkut suliaqartartut pineqarlutik.


Aalajangiineq:

Najukkami ataatsimiititaliamit innersuussisoqannginnerani paasilluarneqarusuppoq målgruppe sorliit aamma inuit qassit aallartinneqarsinnaanersut paasilluarneqaqqaassasoq. Kingorna peqataasussanik ujarlertoqarlunilu innersuussisoqassammat.


6. Atsiorfissaq:

6. Atsiorfissaq:


Naja Nuka Kaspersen, Siulittaasoq



Julia Karlsen



Lars Petersen



Hartmann Heilmann



Knud Kleemann

